

PREPORUKE I OPERATIVNI ZAKLJUČCI

Četvrti sastanak pododbora između EU i Bosne i Hercegovine (BiH)

o unutrašnjem tržištu i konkurenciji

Sarajevo, 12. decembar 2019. godine

1. Konkurencija

1. Komisija je preporučila da BiH bez odlaganja nastavi s daljim usklađivanjem svog Zakona o konkurenciji i Zakona o državnoj pomoći s *acquis*-om.
2. Komisija je preporučila da BiH izbacî iz zakonâ o konkurenciji i državnoj pomoći uvjet da za odluku mora glasati najmanje po jedan član iz svakog konstitutivnog naroda („nacionalni veto“).
3. Komisija je zatražila od BiH da osigura sufinansiranje budžeta Savjeta za državnu pomoć od strane Republike Srpske kako je predviđeno Zakonom.
4. Komisija je pozvala BiH da pojača aktivnosti zagovaranja kako bi davatelji pomoći bili upoznati s potrebom dostavljanja *ex ante* obavijesti o novim mjerama državne pomoći i kako bi se osigurala usklađenost sa Zakonom o državnoj pomoći.
5. Komisija je preporučila da BiH ojača operativne kapacitete Savjeta za državnu pomoć.
6. Komisija je zatražila od nadležnih organa BiH da postupe u skladu s članom 71. stavom 7. SSP-a i što prije dostave regionalne statističke podatke na nivou NUTS II i sačine kartu regionalne pomoći.
7. Komisija je zatražila od BiH da se pridržava svojih obaveza iz člana 71. stava 6. SSP-a i da što prije napravi napredak u usklađivanju postojećih programa pomoći s *acquis*-om.

2. JAVNE NABAVKE

8. Komisija je podržala BiH da usvoji planirane izmjene i dopune Zakona o javnim nabavkama u cilju daljnjeg usklađivanja zakonodavstva sa direktivama EU.
9. U oblasti koncesija, Komisija je pozvala vlasti BiH da nastave rad na mogućoj reviziji izuzetno složenog i rascjepkanog pravnog okvira i da ubrzaju proces usklađivanja sa direktivama iz 2014. godine o javnim nabavkama i koncesijama.
10. Komisija preporučuje BiH da postigne napredak u popunjavanju slobodnih radnih mjesta i poveća broj zaposlenih u Agenciji za javne nabavke i Uredu za razmatranje žalbi.

3. PRAVO POSLOVNOG NASTANA, SLOBODA PRUŽANJA USLUGA I PRIZNAVANJE STRUČNIH KVALIFIKACIJA STRANIH DRŽAVLJANA

11. BiH se potiče da usvoji jedinstven horizontalni zakon koji će biti usklađen s Direktivom o uslugama i da nakon toga provjeri koje važeće propise treba izmijeniti i dopuniti kako bi se postigla usklađenost s Direktivom o uslugama.
12. BiH je pozvana da dodatno analizira pitanje dvostruke registracije privrednih društava i dodatne zahtjeve za registracijom u dva entiteta i, ukoliko postoje takvi zahtjevi, da ih ukine.
13. BiH se potiče da ubrza napore ka otvaranju tržišta poštanskih usluga za konkurenciju i da uskladi svoje zakonodavstvo s *acquis*-om o poštanskim uslugama. U tom pogledu, BiH se potiče da usvoji novi nacrt zakona o poštanskim uslugama i da usvoji strategiju za razvoj poštanskih usluga na državnom nivou.
14. Komisija je preporučila BiH da sastavi listu regulisanih profesija u zemlji, uključujući detalje relevantnih propisa, naglašavajući važnost ove aktivnosti kako za samu državu, tako i u svrhu pridruživanja.

4. INTELEKTUALNO VLASNIŠTVO

15. BiH se potiče da poveća napore kako bi učinkovito provela prava intelektualnog vlasništva putem jačanja kapaciteta i koordinacije institucija za provedbu.

5. JAVNO ZDRAVSTVO I ZAŠTITA POTROŠAČA

16. Komisija je preporučila BiH da izvrši daljnje usklađivanje svojih propisa sa *acquis*-om o zaštiti potrošača.
17. Komisija je preporučila da se osigura adekvatno i održivo finansiranje u oblasti javnog zdravlja kako bi se olakšale reforme u oblasti zdravstvene zaštite i omogućilo dobro upravljanje, kvalitetna zdravstvena zaštita koja će biti dostupna svim građanima, uključujući marginalizovane grupe društva.
18. Komisija je pozvala BiH da ubrza usvajanje zakona o zabrani pušenja na javnim mjestima i ratifikaciju protokola o uklanjanju nezakonite trgovine duhanskim proizvodima.
19. Komisija je preporučila BiH da uspostavi sistem nadzora na državnom nivou u oblasti stvari ljudskog porijekla u cilju osiguranja efikasne koordinacije u cijeloj zemlji.
20. Komisija je pozvala BiH da u potpunosti učestvuje i ostvari korist iz učestvovanja u Zdravstvenom programu EU i svih drugih prilika za aktivnu saradnju i učestvovanje.

21. Komisija je pozvala BiH riješi trenutni zastoј kako bi sudjelovala u procjeni nadzora i kontrole zaraznih bolesti koju radi ECDC (Evropski centar za prevenciju i kontrolu bolesti).

6. PRAVO PRIVREDNIH DRUŠTAVA, RAČUNOVODSTVO I REVIZIJA

22. Komisija je pozvala nadležne organe BiH da dodatno usklade pravo privrednih društava u cijeloj državi.
23. Kada je u pitanju revizija, Komisija je podsjetila BiH da bi, u cilju usklađivanja s *acquis*-om EU, trebala uspostaviti jedan nadzorni organ koji će imati konačnu odgovornost za nadzor ovlaštenih revizora u cijeloj zemlji.

7. BANKARSTVO, OSIGURANJE I DRUGE FINANSIJSKE USLUGE

24. BiH je pozvana da usvoji izmjene i dopune Zakona o osiguranju depozita kako bi se omogućilo korištenje fonda za osiguranje depozita u svrhu sanacije (USVOJENO).
25. Komisija potiče BiH da nastavi sa naporima ka jačanju nadzora nad bankama koji provode entitetske agencije za bankarstvo.
26. Komisija je ponovo naglasila potrebu da BiH osigura da se preporuke Agencije za osiguranje u BiH potpuno uključe u entitetske propise prije njihovog usvajanja, čime se jača uloga Agencije u koordinaciji harmonizacije i usklađivanja propisa s *acquis*-om.